


汀西詩集

遐齡



扇詩集

乾





汀西詩集序



長洲趙氏自故雲居翁以醫名至是五世矣今汀西隱君益能紹其家學出為人賦疾往往著奇効三吳之人造其廬而請者日相屬焉然隱君不屑以方術自命也獨刻意為詩所居

江湖之間水石花竹頗極幽勝歲時
遊適撫景觸事形諸賦詠者累至數
十百篇卒與其醫名並傳而不相掩
也頃手自裒錄為一集屬其弟前昌
樂令振之以視余予受而讀之竊愛
其清婉和平有自得之趣曰是亦是

以傳矣嘗觀古之至人高醫未有不
兼精儒業者其在趙氏若御醫彥如
彥士與摺皆以文學顯名當世醫因特
其餘事耳然吾聞雲居翁寔丹溪朱
彥脩弟子彥脩之為醫冠絕今古若
其人則固所謂儒者也君子以是知

隱君之學雖本諸家庭之傳而淵源
所漸深且遠矣隱君今年且七十又
五而神氣完粹聰明不衰其為詩方
日富余既未能測其所至又安得盡
取而評之耶姑書諸卷首而歸之隱
君名珏字明璧汀西蓋所自號集因

以名凡若干卷

嘉靖戊戌秋九月朔日前進士邑人

陸燾書



汀西詩集目錄

卷一

五言古體

西野草堂

西郊刈穫

冬日顧景瞻見訪池亭

病起

七言古體

將夢菴許惠湖石速之以詩

婁江夜泊

送人之蜀

長洲趙珩著



元旦聞雷有感辛未歲

葺理小園因感

初夏喜施原魯見過

壽玄妙觀謝竹鶴道士泊其徒沈松雲何梅

月陸桂巖

送秀上趙一卿還四川

婁江晚歸

秋塘白露

友人家投宿賦此留別

泛泖望九峰諸山

長短句

題南游惜別卷送人還成都

耕讀

漁樵問話圖

卷二

七言律詩

治圃

賀朱子實例授冠帶

褚春菴行樂圖

送蘇郡博張先生致

佳還闕

歲暮留別湯蒙泉

甲戌三月夫雪

元夕前二日試燈

元夕賞燈用前韻

曉寒

玄春自谿上喜晴

早春池上

早夏

西田收穫

舟泊合塘江上與顧景瞻夜話

除多雨甲

寒夜江行

過沙湖

出陽城湖

登夷林山

晚霽

秋日題文一首

冬日葺小室

用家

曉臥

靜坐

讀兵科給事中

奏免舊通事而有作

壽張孟善夫婦

半隱

守默

寄湯蒙泉

寄施元魯寓西郭

湖東晚歸

春郊步野

春暮

西園卽事

汪上晚歸

汪遊

汪上暮春

池亭小酌有懷

夜宿水村

寒夜

閒居

春晝睡覺

自適

感事

春愁

病後

感時事

憶昔

倦遊歸興卷送吳縣安主簿致仕還豫章

送蘇安道重赴海寧祝員外館

秋汀

梅窻

寄院判徐東濠

寄浙士酈尚德

酬周相之見寄

春日雨中呈筠軒兄

和蘇安道訪予不遇詩韻

訪江南鄧氏昆玉

喜友京回見訪

送顧一鑑還琴川

夜宿蔣氏南軒

席間次韻

生孫志喜

癸未除夕

飲曹氏池亭二首

書懷

自慰

六十自言

壽弟六十

理墳

酬練成甫寄韻

歲暮送顧警齋還郭

病懷

喜雪次蔣莫庄韻

借韻寫懷

戊子除夕守歲

南山為顧思仁題

秋居寫懷四首

呈衡山文先生

喜江右廖秀聰見過

春日久陰

卷三

七言律詩

與蔣南江夜話北新關

登棲霞嶺

西湖晚歸中秋夕

弔林和靖墓

弔岳武穆王墓

過吳江

雨中過澱山湖抵泖口

登虎丘

登千頃雲閣次聶大

年韻

和大尹高長洲虎丘

詩韻

雪中登虎丘

虎丘僧房留別蔣南江

虎丘松巢靜坐

虎丘山房卽事

山中訪僧借蔣南江翁閭齋

訪圓明菴僧玉泉 重過妙隱菴

遊磧砂寺次韻 夜投妙隱感舊

夜宿玄墓山房 僧房小酌

夜宿東禪寺 與周文中夜酌萬壽寺

過福源菴 寄題金山寺

山中歲暮有感 哭蘇安道二首

挽朱子實 緩齋

吟谿 寄管虛菴

酬顧景瞻 荅翁閭齋

喜徐東濠京回見訪 秋夜宿蔣氏西軒

與朱元吉會于江上 歲暮次練成甫韻

辛巳元旦添孫用丁丑得孫舊韻

秋夜宿湖上 江橋夜泊

夏晝睡起 漫書

辛巳除夕積薪失火幸而反風室廬無恙

憶舊遊 乙亥歲同南江遊西湖座有四客

謁甫里先生祠 壽白蓮寺僧六十

寄謝馮承恩惠篆書 與星士施桐軒夜酌

贈傳神張鈞雪 贈況鶴岡還豫章

借菊 寄顧景瞻寓館郡治

壽唐磨菴伉儷六十兼賀添孫

和顧景瞻韻

借韻答蔣允暉

借韻答蘇允之

酬嚴東美見寄詩韻

挽蔣南江

落花十首

寄顧景瞻寓館張林

翁闇齋壽詩

父子同壽

贈心漁錢先生

鄉飲紀事

墳成

姑蘇懷古次韻二首

歲暮蔣西樓見過

紀夢

分得西壠耕雲慶壽

寄蔣子重

偕蔣思亭桂鄰僧遊

玄墓二首

壽東禪桂林上人

與泉為曹文啓賦

雨宿沙湖書館

七言排律

詠雪禁體

卷四

五言律詩

春日招友會飲

秋齋夜坐

人日喜晴

新正雨中

除夕有感戊寅年

夜泊王江涇

次嘉興

吳山登眺

錢塘觀潮

登張林山

北塘夜行

雨中宿南禪精舍

錢塘懷古

江遊

過青丘追悼高棅軒太史

憶舊遊

別施原魯

釣雪為張澤民澤

題扇二首

梅心

竹下對酌

園亭雜言十首

吳村夜宿

汲陸羽泉

山遊

夜泊閭門

江上夜歸

西翠軒

湖東草堂次韻

遊南屏淨慈寺

過崇遠院

寒食有感

與友人同過沙湖

詠燈花次石田先生韻

吳城夜泊

過夷亭寺

早秋夜坐二首

夜投光福山寺

玄墓山中值雨二首

愛芝為蔡登瀛賦

南村為褚以道賦

五言絕句

曉寒

秋思

塘浦夜泊

池上

晚過青丘二首

待渡圖

水僊

紅梅二首

早秋

五言排律

竹隱

上郡侯二十七韻

卷五

七言絕句

題赤壁圖

春陰二首

早夏

已卯燈夕苦寒

臥漁圖

題扇

竹下避暑

早秋

題扇寄徐院判

題畫

春日江村

新春池上

林下獨坐

大水後書所見

春盡小酌

將之餘杭登垂虹橋

石門夜泊

寓淞江之沈谿值雨

四首

登仰蘇樓和韻

舟出西郭抵虎丘

登五臺看雨

池亭小憩二首

雨窗曉坐

不寐

靜坐

自嘲

覽鏡有感

釣魚圖

杏庄

買臣圖

迴文題小畫

題釣魚圖

題淵明歸去圖

松陵驛值雨喜歌者見過

梨花始開

雨中看梨花

雨中對殘菊二首

詠水僊

池上見紅白芙蓉

蔣子重邀賞牡丹因

感二首

雨夜泊舟胥門

雨中訪蔣元信和韻二首

夜宿張林韓氏聽雨二首

題畫

西園種牡丹有作

春暮登張林山憶舊

折枝桃花

題桃鶴圖為壽

秋蝶

題扇意

卷六

詞

漁家傲春夜

一剪梅月下

清平樂雨中梨花

驀谿山春暮

重疊金春思

天僊子憶春

一剪梅書所

天僊子題江

清平樂携琴

調笑令寒夜催梅

菩薩蠻雪月

卜筮子花前小酌

醉春風春遊

行香子詠鴈

虞美人月夜美人圖

西江月閒居

糖多令秋江晚釣

清平樂冬寒

天僊子湖上風

蝶戀花題扇

鳳凰臺上憶吹簫慰人失妾

阮郎歸桃源圖

水調歌頭元夕賞燈 湯南村第

行香子山居 小隱

喜遷鶯納涼

烏夜啼喜友人 見訪

賀新郎壽致仕程溫州 七十號聽玉

清平樂

醉花陰竹亭 高士

臨江僊題扇

清平樂題畫

糖多令携琴 訪友

臨江僊題月波 卷妓號

一剪梅釣魚 圖

汀西詩集目錄終

汀西詩集卷之一

長洲趙珩著

五言古體

西野草堂

有田西野側有屋西野隅屋不滿數間田不方一區
耕焉足吾食宅焉安吾廬野性從儉陋何心慕盈餘
維時轉春候百卉爭妍舒條風起南陸活水流通渠
小鳥鳴別樹幽花映前除地偏心自遠頗與俗事疎
閉門坐清晝日明窻影虛座列二三子問難能起予
展書且自讀對酒聊自娛絃誦發幽興擊壤歌唐虞
適此見在樂奚須更躊躇

元旦聞雷有感 辛未歲

辛未元旦夕迅雷起乾方震驚轟霹靂閃爍掣雷光
雨雹繼間作疾風驟飄揚我時警不寐披衣坐匡牀
惕然敬天怒惴惴心悚惶詰朝檢雜記不一書災祥
或云黍麥吉或云黎庶殃立春始二日蟲蛇尚蟄藏
地氣早發洩陰柔竊陽剛况茲肇履端民物恐有妨
咎徵固叵測揆理乃變常念彼調元宰燹理司陰陽
四時有失序厥責將誰當我懷漆室憂戚戚徒自傷
作詩因紀異俟後驗否臧

西郊刈穫

晨興出西郊課僕早刈穫幸茲歲功成農事將告畢

抄秋氣先寒野草變故色雨潦收斂期稻穗恣狼藉
薄暮喜澄霽雲開遠山出倦鳥返故林風淒日將夕
躬耕雖云勞庶得寡憂戚斗酒茅簷下醉飽任偃息
業外無遠圖惟求足衣食

葺理小園因感

小園踰百步粵自前人遺我祖南園翁避俗宅於斯
迂徑出鄰巷花木蔭茅茨隱居事高尚閉門著書詩
先君肯堂構再徙臨谿湄因之就蕪穢草蔓頽垣基
我嘗務墾闢操耒日自治經營數稔間稍稍復舊規
鋤荒蕪荆棘外墉中鑿池蔬果資饌食桑麻助蠶絲
竹石秀而野謝彼埃塵緇績亭八九椽少息日涉疲

巢林雜衆鳥鬪口鳴鳴伊豈惟可樹藝亦足充遊嬉
餘年天假健聊爾終棲遲

冬日顧景瞻見訪池亭

朔風驚小寒墮葉聲擊石急景逼歲徂中抱增感戚
惟子篤親誼特過慰岑寂報云穀登場農事已告畢
相顧復相懽欣欣動顏色呼兒具盤飧物薄情自適
鄰醑亦易求但惜飲量窄江天夕更佳雲鳥競飛疾
小園近鋤理花竹頗幽密勿憚數相過閒談坐終日

病起

我本耕釣徒野性甚懶惰行不慣遠行坐不耐久坐
言笑亦厭煩拙訥甘自荷屬當炎燠時熱惱苦無那

出門如從征畏暑如避禍今年運蹇艱愁病相折挫
蒸蒸汗流膚咯咯痰落唾伏枕旬日餘不飧尤不餓
眇焉孱弱軀胡乃多輒軻茲晨稍清涼神爽憂鬱破
譬彼渡江人險涉風濤過天若憫吾窮容老此鄉臥
初夏喜施原魯見過

園林久雨歇池塘綠陰生故人遠過我枉棹尋詩盟
推門聽簷鵲掃榻忙相迎握手叙契濶開口談縱橫
登亭治小酌山鳥鳴嚶嚶花殘屬夏候草木方欣榮
少壯不我留素髮各已盈盤桓托杯酒盡此一日情
明朝又兩地雲山隔江城

七言古體

江西集卷一
三
蔣夢菴許惠湖石速之以詩

我生愛石如愛金一見一回勞苦吟白日摩挲不忍
舍清夜夢裏尤追尋胸中有癖藥不愈外物翫好難
奪侵君家有石列庭砌獻竒呈怪森瑇琳嵌空若甕
側臥地突兀似雲危倚岑綜脉粼粼水紋皴圓鑿點
點珠窩深君惟我好許分贈拜領久矣銘諸心慨然
君如果然諾一着神鞭驅出林我時顛狂學米老再
拜喜躍應難禁預思漱漱礪斲便得把玩清塵襟
揚袂冷風倚蒼蘚枕可醒酒可坐琴品評次第鐫甲
乙疊作屏嶂供登臨詩成兀兀費遐想滿庭綠徧芭
蕉陰

婁江夜泊

野人買舟入城郭晚抵婁江柵頭泊筏樓窄矮僅容
身布被輕寒怕伸脚城門未開天未明欲睡不睡驚
鳴柝隔江搖月櫓啞啞近店叫霜雞喔喔飛鳧帶夢
起蒹葭漁火照愁人寂寞明朝歸去掩蓬門卧聽打
窻風葉落

送人之蜀

春江雨晴春浪生煙柳弄色煙花明美人買舟江上
別路指西南歸錦城錦城山水號竒絕岷峨高高灩
澦潔相思後夜兩懸情劔閣蘇臺共明月

壽玄妙觀謝竹鶴道士泊其徒沈松雲何梅月

陸桂巖

玄都道士竹鶴僊絳綃爲帔冠青蓮掌書昔侍玉皇
閣鏘金鳴玉丹臺前自言上界足官府笑騎紫鳳遊
寰宇金華不牧初平羊句曲能馴大茅虎真詮日誦
琅函文道行有光玄教門秘師月鼎莫祖法呼吸雷
雨驅風雲傳燈門下三高弟玉立森森皆偉器松雲
脫灑林壑姿梅月清寒冰雪味桂巖温温玉樹枝春
風和氣盈襟期研硃曉點山窻易剪燭夜着池亭棋
老僊高年列僊侍領教承歡後先至一堂四壽同舉
觴南極流輝照人醉洞門春深雲霧香霓旌霞旂分
兩行麻姑當筵擘麟脯飛瓊隔座吹鸞篋丹丘咫尺

蓬萊島玉芝錯雜金光草壺天別自有乾坤日月不
知烏兔老僊家樂壽樂無休海屋始聞添一籌掛巾
三花玄圃樹濯髮萬里銀河流我歌長歌爲僊祝永
住名山享清福未容結佩返瑤京且待蟠桃幾回熟

送秀士趙一卿還四川

錦江才子麒麟客經術填胸富充積弱齡鼓篋遊膠
庠詞鋒銳利人誰敵埋頭讀書二十年閉門坐破牀
頭氈美如良玉韞於櫝粲比明珠潛在淵氣吐虹霓
射牛斗青萍出匣龍蛇走養才恥掇少年科待價大
施經濟手竭來不耐東山眠好遊願學司馬遷擬將
足跡半天下長趨健步凌風煙大江東行覲

京國觀光先躡金陵陌鷺洲陪上鳳凰臺

其弟號鷺洲南京御史

對月歌詩呼李白省兄千里抵錢塘客窻會合宵連

牀捲取波濤付吟筆移將丘壑歸行囊望望雲間之

上海尊菜鱸魚待君買登堂拜壽效葵翁

其叔效葵翁上海學教諭

籍咸誼篤情難捨回轅少住吳城門田侯與君元至

姻金沙湖頭玩魚鳥虎丘山上瞻松雲丈夫志大心

自許歷覽何妨經險阻拔劍要斬東溟蛟挽弓思射

南山虎登臨已覺舒壯懷春花過盡秋花開白雲孤

飛親舍遠拂衣浩歌歸去來吳亭酒盡惜分袂秋闈

許折蟾宮桂鵬程九萬路迢遙寄聲煩托南飛翅

婁江晚歸

西風勒定寒潮水半日帆行三十里凍鴨眠沙夢屢
驚昏鴉匝樹樓還起江空雲影學水流往來不斷行
人舟棹歌一曲喚月出鴈聲叫破霜天秋

秋塘白鷺

寒雲弄影學水流西風落木池塘秋翠蓋欹斜荷芰
老紅衣零亂芙蓉愁一拳玉鷺沙頭立片雪點波波
映白殘陽影裊頂絲輕香露涼侵羽衣濕窺魚來往
心忘機食魚不多身不肥蒹葭雨裏陪鷗宿杜若煙
中逐鴈飛

友人家賦此留別

野航載詩行十里櫓聲啞啞撥煙水回塘沙淺不通

潮落盡蒹葭老菰米叢薄風高寒雀愁遙汀日落驚
鳧起迢迢望近故人家低板橋西竹浜裏纜舟已及
樹翻鴉村犬吠煙門半啓主人見客忙出迎罄折殷
勤解顏喜登堂道慰契濶懷亟喚烹雞與炊黍款延
鄭重故意深良夜旣徂情未已酒波灩灩浮玉紅燭
蠟垂垂吐花紫留宵相留歸未歸托是平生舊知己
人生良晤豈尋常鴻跡雪泥真偶爾明朝惜別意難
忘草草聊存詩一紙

泛泖望九峰諸山

雨晴放船湖泖中九山隨船走如龍東南地卑水爲
國不意見此三三峰爭奇角秀露天巧低者俯踞高

昂穹巒姿潑嵐滴紫翠塔影射日分青紅浮波浴山
山欲動銅鏡裏面開芙蓉人家依約楊柳岸釣舫出
沒菰蒲叢鷓鴣鷓鴣水遠近荷花菱葉洲西東恍疑
蓬萊隔弱水躡景或見僊人蹤丹青總有神妙手濃
淡着色難求工鱸魚秋肥倘許釣一竿來伴滄浪翁

題南遊惜別卷送人還成都

停君濟川舟聽我歌遠遊送君曉出蘇臺別爲君沽
酒澆離愁君材瑚璉器卓犖非凡儔英風狹宇宙浩
氣衝斗牛旣不作在鑛鐵亦不作繞指柔俯窺滄海
不盈勺仰視泰山無一坏弱冠橫經事鄒魯詞華爛
若雲錦稠騰驤雲路屢進復屢蹶譬彼良驥伏櫪鷹

在鞬一朝思利涉爰與舟楫謀問津竟渡灩澦口看
雲暫住巫峰頭大江揚帆抵鄂渚山川千里遙相繆
戰憶曹瞞困赤壁謫嗟蘇子遷黃州曉登黃鶴樓晚
泊鸚鵡洲采石磯邊弔李白狂歌擊折珊瑚鈎胸吞
雲夢水天濶目斷漢陽煙樹秋波濤洶湧龍江險金
焦兩點屹立橫中流龍蟠虎踞金陵地鬱葱王氣彷彿
晴嵐浮觀光壯懷抱凭高豁心眸濡毫徧寫僧廬
壁投刺嬾謁王門侯登臨歷覽東西浙吳山越水在
在窮精搜觀潮八月上天竺弔劔三春經虎丘足濯
太湖之水三萬六千頃指數七十二峰翠舞如蛟虬
幻鄙壺公縮地術清思孺子滄浪謳記遊佔畢錄得
句奚囊收吳江楓落早新寒襲輕裘鴈聲驚破還家
夢治裝拂曙催行騶仗劔別知己拂衣難久畱蜀關
猿鶴久相待百花潭繞谿堂幽懷寶不銜售努力加
進修當今賢才出科目明將挾策朝
宸旒衮衣待補山龍缺叫開閭闔陳嘉猷上欲致
君作堯舜下使蒼生無隱憂丈夫有志許國罄忠赤
人人皆可爲伊周

耕讀

耕田不讀書終焉子孫愚讀書不耕田終焉倉廩虛
君家積書三萬軸君家買田都繞屋養志旣養生勤
耕且勤讀半窻殘月夜挑燈千頃暖雲春駕犢帶經

或荷倪寬鋤飽飯時捫孝先腹子孫賢一家福食廩
盈百事足却喜無榮亦無辱我書先人蓄我田先人
遺朝出耕僮僕代吾力夜歸讀聖賢是吾師讀非學
干祿耕免妻啼饑羨君所事卽吾事不惜爲君歌此
詩

漁樵問話圖

君樵青山雲我釣滄洲月兩家各自生涯別停君擔
住我船夕陽一話林谿邊采山莫探豺虎窟釣水莫
涉蛟龍淵尚父鷹揚不我願買臣富貴非君緣蓴鱸
羹鮮可嚼松花酒香可酌湖山滿地漁樵樂
汀西詩集卷之一

汀西詩集卷之二

長洲趙珏著

七言律詩

治圃

屋西荒地沒蒿萊要葺成園手自開高築牆遮紅杏
出曲疏渠引碧泉來寒思冬絮移桑種涼愛秋陰買
竹栽農圃生涯吾願學任他人說小人哉

賀朱子實例授冠帶

識破功名片紙輕拂衣長揖謝公卿
朝廷待士頒新例學校推賢及老成袖卷經綸尋隱
計身膺章服荷

恩榮過庭況有徐卿子早歲文華壓俊英

褚春菴行樂圖

讀有遺書種有田醒時行樂醉時眠衣冠半古心全
古形跡非僊意卽僊屐齒踏花香碎也杖頭觸石響
鏗然白雲斷處長松下目在青山耳在泉

送蘇郡博張先生致仕還閩

教鐸行持擬轍環久淹師席杏壇間弦歌俗變吳如
魯造就功深孔鑄顏化雨菁莪均被澤浮雲軒冕早
投閒桑榆飽享歸田樂白髮烏紗醉看山

歲暮留別湯蒙泉

曆頭檢盡已殘冬翹首鄉園路幾重人在客窻偏厭

雨榻鄰僧寺慣聞鐘一經不遂功名志斗酒難澆磊
磊胸收拾書囊賦歸去還從田舍學爲農

甲戌二月大雪

春冰誰剪下銀河瞥眼青山奈老何宜麥休言三白
好妬梅反厭六花多帶煙輕綴鵝黃柳點水都消鴨
綠波野老凍吟門不出擁衾僵臥待陽和

元夕前二日試燈

花燈小試上元前簫鼓聲中列玳筵繡帶垂疏圍寶
炬綵霞分瓣簇金蓮寒消翠幕春全透影浸瑤臺月
欠圓莫把良宵等閒度要知一刻直千錢

元夕賞燈用前韻

燈夕傳觴畫閣前太平人醉綺羅筵
圍金薄鮪雲籠月刻玉重臺地湧蓮
絳臘火鎔珠樹暖繡簾風蕩綵毬圓
吳城此夜春光滿誰爲遊人筭酒錢

曉寒

畏冷朝眠被擁紬起來呵手懶梳頭
年衰長帶三分病歲歉重添一倍愁
雪意作寒雲壓地冰澌開凍水通流
先春要探梅花信特到山亭得小留

立春日谿上喜晴

一月天寒嬾出遊春來谿上始尋幽
橋通魚市斜分路水落鷗沙淺露洲
背日地留殘雪在順風潮帶斷冰流
鄰兒走報江梅發折寄詩郵到隴頭

早春池上

春寒門掩草堂深驚聽催耕鳥弄音
急雨殺風拋亂點弱雲妬日弄輕陰
凍萌畦韭芽勾玉晴放堤楊縷綻金
箇裏有愁消不得却來池上一行吟

早夏

江南四月麥秋天小燕烏衣出未全
梅雨弄晴雲漏日秧風破暖浪生田
蜂衙露濕花鎔蜜蠶屋煙消繭擘綿
午後倦來成偶睡就牀拋落手中編

西田收穫

授衣時節乍寒生西北風來雨自晴
兩日天光纔老落一年農事已完成
林鴉揀樹分羣噪田鼠偷梁引

子行分付僮奴早收拾慰勞有酒到家烹

舟泊合塘江上與顧景瞻夜話

風逆回航嬾問程合塘江上駐宵征燈前對酒田家
醉篷底談詩水路行小雨催花春弄暖薄雲漏日曉
開晴安棲未遂頭將白鴻跡東西媿此生

除夕雨中

一杯草草醉屠蘇十問燈花有喜無老大驚心霜滿
鏡淒涼感抱雨迷塗桃符重換宜春貼楮拙寒煨守
歲爐又惜一年今夜盡謾題詩句送神荼

寒夜江行

凍吟薄怯木綿裘賣藥歸乘載鶴舟宿鴈叫雲驚弋

火棲鷗踏月占漁洲岸消殘雪泥晴滑風勒寒潮水
倒流畢竟不如茅屋底坐煨楮地爐頭

過沙湖

江上春歸花寂寥東風吹面酒容消柳堤界破半湖
水蘭槳棹過三洞橋漁戶自輸河泊稅夷亭誰問狀
元潮推篷西望吳城晚日落青山塔影遙

出楊城湖

花飛何處遣春愁小載吟囊作釣遊湖面波平天入
鏡港頭橋斷渡橫舟喚來穀雨鳩啼樹點破蕪煙鷺
立洲兩岸人家俱網戶棹歌一曲起中流

登夷林山

春日夷林試一登土峰高聳出郊垆佛幢刻石金僊

山麓有石幢上刻佛墓碣眠雲鐵史銘山北有張氏墓傍

石碣作地元楊鐵崖撰銘

旆浪半篙湖水綠麥畦千頃野田青夕陽滿面催歸棹一曲滄浪起釣汀

晚霽

夏天新霽愜人懷暑氣全消爽氣佳風送涼來從樹

起雲推峰出學山排饑蚊聚散衝煙箔濕蟻縱橫走

石塔拋却素紈移小榻一庭月色坐西齋

秋日回文一首

秋亭一榻雨生涼茗滌新鮮荳莢香幽徑小橋低映

竹矮垣頽屋近栽桑鷗眠傍渚垂蓮白鶴夢驚風墮

葉黃舟渡野塘斜日落浮雲碧浸水天長

冬日葺小室

小葺南榮向日烘展書便眼破昏矇窄慳容膝丈餘

地矮不礙頭平頂蓬薄紙障窗宜映雪細泥封壁欠

通風坐深更覺澄懷靜虛白光生夜榻中

田家

隔離小犬吠煙蘿水響菱池鬪鴨鵝筭地辨糧憑戶

長過橋買酒倩鄰婆蟹行淺渚窺魚斲雀入深簷借

燕窠逢着醉歸頭白叟春風滿面笑呵呵

曉臥

日上東窻尚擁衾喚醒殘夢怪鳴禽叨閒僅享林泉

福投老全拋壘斷心半世苦吟慚白首幾人忙死爲
黃金新涼到枕虛懷靜一炷煙消萬慮沈

靜坐

葦門隔斷市囂聲靜對爐薰養性情漸老病軀劓藥
補不平心事托詩鳴荒雞夜唱曾驚舞倦犢春眠已
息耕閒坐日長閒不過展書還就紙窻明

讀兵科給事中王

奏免舊逋喜而有作

讀罷黃門諫奏章忠言激切論兵荒數年逋負蒙蠲
免百姓瘡痍藉掃光涸轍有鱗均活水陰崖無地不
春陽知公此念關憂樂遠及江湖近

廟堂

壽張孟善夫婦九十

宿遷人其孫
是年中舉

夫夫婦婦喜齊年具慶今朝啓壽筵二老合週三甲
子一堂竝坐兩神僊合歡不負同心願偕老方全結
髮緣已見阿孫高折桂眼中還要見曾玄

半隱

大隱喧囂小隱貧爭如半隱得平分家居泉石官居
散身在江湖念在君塵夢也曾依鶴夢白雲還許接
青雲行藏正合中庸道寵辱憂驚兩不聞

守默

出言不妄守吾真兀坐潛修靜裏身掉舌厭煩遊說

客點頭勉強應酬人三緘若戒銘金口一訥如愚近
孔仁塞斷是非門外路滿腔都著自家春

寄湯蒙泉

幽尋未遂一罇攜望望江楓夕照低十載相違人老
大一城分隔水東西愁邊聽雨驚新夢醉裏看山憶
舊題爲問南峰許同賞借分僧榻白雲棲

寄施原魯寓西郭

十載空彈貢禹冠青氈一榻尚儒酸安居誰念離居
苦老境人逢逆境難落葉雨聲燈下夢弊裘風信客
邊寒好山都在西樓外應費清吟日倚欄

湖東晚歸

忙逐飛鷗渡遠津疎煙斜日下汀蘋飯炊菰米漁村
晚門插花枝酒店春浪起白頭衝過棹柳開青眼看
行人今朝借此滄浪水洗落芒鞋腳底塵

春郊野步

杏花落盡又桃花草暖池塘亂鬧蛙菜圃潑煙菘發
莧秧田閣水穀抽芽一山剛補西牆缺兩鳥爭巢小
樹丫容我今朝閒半日轉完詩句向人誇

春暮

春歸南浦草連空望望遙山杳靄中榆莢燒殘新改
火棟花吹老末翻風鳥愁何事頭先白魚爲多勞尾
漸紅學稼年來苦無獲嬾從田舍問農功

西園卽事

春去猶寒尚袷衣
開門放鷺出巢飛
白添新水江光渺
紅浥香塵雨跡微
清苦詩腸甘杞菊
闌珊花事剩薔薇
殘陽滿地桑陰好
夕景留人詠未歸

江上晚歸

澤國春深水路遙
輕鷗飛送晚歸橈
聲喧急瀨潮頭起
影斷殘虹雨脚消
出水穉秧新蛭殺
搖風秀麥暖抽苗
前村犬吠吾家近
月浸柴門柳映橋

江遊

畫船搖曳載銀箏
水近紅粧照影明
魚鳥中流驚笑語
煙花隨處可人情
日斜蘋浦風生浪
雲淡梅天雨弄晴
醉別不妨歸路遠
江頭月落正潮平

江上暮春

水澁歸舟閣淺沙
倚篷吟對日西斜
忙忙時變鑽榆火
拍拍鄰聲打麥枷
蠶上山頭桑已椹
魚來石首棟初花
綠陰黃鳥江村路
多少行人問酒家

池亭小酌有懷

半熟黃梅味帶酸
時新魚菜旋登盤
日乾雪繭蠶蛾老
雨濕烏衣燕子寒
月樣素紈圖蛺蝶
波紋小簾展琅玕
美人何處心千里
新綠池亭一凭欄

夜宿水村田家

斷橋村落寄行蹤
萍梗漂流媿雪鴻
不肯向人輕俯

仰苟圖糊口後西東一冬尚暖天無雪半夜初寒壁
有風兩岸水聲孤枕夢和愁都付短吟中

客窻秋夕

殘雨疎林絡緯鳴秋天風物異鄉情日長聊藉書爲
伴歲歉因將筆代耕窻眼紙穿螢直過牀頭燈暗鼠
橫行吟哦久矣無佳興總得新篇孰與評

閒居

一廛雖小近郊墟窻几清幽水竹虛布被曉寒捫蚤
虱盤餐午饌煮鰕魚蝸涎壞壁縈成字燕口饒泥點
污書世好紛然都却掃了無塵事到閒居

春晝睡覺

輕寒輕暖杏花天春困撩人倦欲眠閒裏有忙詩債
惱醒時如醉睡魔纏半簾花影重重日一榻茶香縷
縷煙做夢不成聊隱几更攪啼鳥在窻前

自適

平生清癖在煙霞白鳥汀邊是我家健對客吟勞筆
硯學逃禪坐辦香茶窻嫌礙月疎栽竹地要輸租少
種花若問吾儂深隱計一竿獨釣雪谿槎

感事

是非得喪古由今掩卷忘言坐夜深賈誼謫猶關漢
室鄒軻義不受齊金將花稻怕風接肚未葉蕉愁雨
破心兩耳秋聲茅屋底一燈青影照人吟

春愁

春愁黯黯鎖陰霾
遙聽驚塵起北淮
閣酒謾搔新白髮
踏芳誰辦舊青鞋
窻風攪夢多虛警
江雨催詩欠好懷
野鳥不知人病懶
鬪飛簷外語喈喈

病後

兩日草堂門不出
養痾全在散沈憂
剪裁薄紙糊窻眼
卷束殘書當枕頭
對菊醒吟三徑雨
聽蕉夢壓一牀秋
弱軀不奈風寒冷
預倩山妻補弊裘

感時事

世事飄飄雨裏花
今朝又與昨朝差
人家賦稅連年欠
官府征徭漸日加水旱
東南田歉米風高西北地

揚沙避愁到處愁
難避愁上頭來鬢亦華

憶昔

憶昔春宵醉綺羅
美人能唱客能歌
畫欄芍藥花催鼓
銀甕葡萄酒潑波
風捲繡簾飛燕子
煙籠金柵鎖鸚哥
今朝病臥西齋雨
白髮新愁奈老何

倦遊歸興卷送吳縣姜主簿致仕還豫章

案牘勞形七載餘
宦遊情簿賦歸歟
民來臥轍爭遮道
船送還家半載書
夜雨恐荒三徑菊
秋風思釣九江魚
逢人莫話功名事
自喜年來此念除

送蘇安道重赴海寧祝員外館

千里攜書子侍親
去家身似在家身
出藍有待諸童

子下榻重逢舊主人開路順風帆破曉及時化雨草
生春遠遊更得江山助定許文章妙入神

秋汀

秋滿滄洲變物華蓼紅蘋白映蒹葭半川斜日鷗歸
渡兩岸西風鴈落沙漁飯帶煙蒸苻菜酒篷掀月醉
蘆花一竿借坐磯頭石錯認君家是我家

梅窻

玉肌綽約倚山窻薄隔輕紗淺露糝風扇半開香落
几月樞踈漏影侵牀味詩檻外探春信玩易枝頭映
雪光一夜相思清夢破却疑君到立昏黃

寄院判徐東濠

自君承詔入

金鑿路隔雲泥會面難一七功高三獻策半年榮沐
兩遷官絳袍寵錫

恩殊渥紫詔新頒墨未乾醫國大施經濟手萬年
保護

聖躬安

寄浙士鄺尚德

到處江湖到處家廿年踪跡寄星槎交游四海多髦
士旅食三吳老鬢華客裏生涯囊裏藥吟邊樂事酒
邊花南歸路便如相問預掃柴門待一茶

酬周相之見寄

有約論文久負期江鄉迢遞水東西新城近喜接佳
作長律曾煩和舊題鷺渚濕迷芳草雨燕巢香補落
花泥相思翹首吳城裏煙鎖樓臺晚色迷

春日雨中呈筠軒兄

風日增寒雨載途閉門披卷破工夫兩年耕稼儲虛
積三月聞韶例禁屠時有例禁宰蓄豚豕茅屋午時雞獨唱野
田春水鴨相呼西堂酬倡多羣從池草吟成夢不孤

和蘇安道訪予不遇詩韻

野樹邊頭屋兩間頻煩枉顧扣柴關客因待主曾題
竹人爲修琴暫出山寂寞借他鶯破靜從容藉爾鶴
陪閒灑西不是山陰道一棹斜陽興盡還

訪江南鄧氏昆玉

野橋流水抱孤村小艇幽尋爲訪君願見十年纔邂
逅欸留半日甚殷勤一池碧綠芙蓉水千畝青黃穰
稔雲相別不知相戀久泖西煙樹閣斜曛

喜友京回見訪

西風一棹到江濱執袂燈前意自親清士家風茶當
酒小寒天氣雨留人話長爲問京中事別久翻疑夢
裏身對此梅花相慰藉物情雖薄故鄉春

送顧一鑑還琴川

草堂溪上掩斜暉勞重行軒訪釣磯久矣才名傾斗
仰果然談辯散珠霏寒潮送艇催開纜小雨留人點

濕衣報道野梅花破玉一枝先折贈君歸

夜宿蔣氏南軒

雨催花謝倦登臨剪燭南軒續舊吟夜短獨眠詩夢
短春深連日酒杯深迎風細浪微生穀妬日輕雲薄
弄陰分手斷橋谿上路柳絲難綰別離心

席間次韻

朋簪會合偶然齊小宴吳淞水竹西穀雨天陰春寂
寂麥秋風急晚淒淒夢中短句吟池草酒後嘉蔬出
甕虀自媿踈才非敵手座逢東野願頭低

生孫志喜

五十四年方抱孫歲逢丁丑月逢申天教好事全吾

望世積遺書托有人種杏遠謀功念祖予家五世業醫積德有素

贈蘭先兆夢通神兒未誕前月之夕嘗夢有異人持

待渠長大能成立膝下扶持慰老身

癸未除夕時年六十

一年別歲一傷神屈指經今六十巡花甲幸週環裏
數桃符新換戶傍春祭詩有酒寧辭醉送鬼無文敢
諱貧莫話從前悲喜事嬾殘已是乞閒人

飲曹氏池亭二首

故人亭上醉相邀荷氣薰人酒易消放鶴籠開門掩
竹養魚池活水通潮雲將雨意寒迷野風作林聲晚
墮樵詩榻肯容頻借坐水村南北路非遙

帶酒豪吟拍畫闌清風一榻坐盤桓鳩呼竹雨巢深
塢鶴避茶煙立遠灘黃葉漸稀林影瘦白蘋將老水
光寒客來莫怪頻敲戶爲借書看與畫看

書懷

點檢流年已六旬風波曾歷幾艱辛廉能戒得何妨
老富不希圖敢患貧翻手雨雲門外事賞心花鳥酒
邊春水田數畝書千卷耕讀相傳望後人

自慰

勞勞多事鬢先斑肩負年來畀兩頑天念一貧應補
壽人因百拙要求閒寺尋僧話陪登塔船趁漁歸借
看山寄語杏花村裏店酒錢賒待藥錢還

六十自言

筭年私幸壽登耄子從頭再起時百事蹉跎雙鬢
雪半生辛苦一囊詩糟糠饋食妻偕老經籍傳家子
有知願乞微軀更強健笑拈春酒醉花枝

壽弟六十

友于堂上慶初辰華髮斑斑屆六旬夢草得詩兄壽
弟對椿戲綵子娛親埴箎樂奏黃鍾月棠棣花開綠
酒春願保連枝歲寒約百年相叙樂天倫

理墳

新阡卜近祖塋傍鋤破煙霞築土岡在眼勉圖生死
計到頭省費子孫忙狐思原本還丘首蠶了殘絲就

蘭藏玩世百年真客寄侯全歸隱此吾鄉

酬練成甫寄韻

鴨池東畔寄遊蹤路隔吳淞未易逢
揀竹鑄題詩草草誅茅補漏屋
重重汲泉自爨春煎茗倚石微吟晚
看松想學閒雲臥巖谷嬾拖霖雨去從龍

歲暮送顧警齋還郭

歲暮江鄉偶識荆斯文契合兩忘情
神交久藉詩通姓面見今憑酒訂盟
曉袖籠寒風日薄午簷開凍雪
天晴明朝冰泮婁江上愁趁雲帆遠入城

病懷

節物匆匆代謝頻驚心偏感白頭人
百千萬慮老懷

抱六十五年多病身一枕虛名槐國夢
半生活計杏林春癡貪莫問將來壽術口
江湖恐未真

喜雪次蔣莫庄韻

滕神呈瑞下瑤空飛趁茶煙舞趁風
一白混迷天上下六花糝點樹玲瓏
烹茶事憶陶翁適擬絮吟誇謝女工
宜麥預占豐稔坻田家笑語大家同

借韻

隔痰戒謝酒杯深衰病隨年漸漸侵
迎送看他青白眼毀譽出自愛憎心
異聞近錄成新話鬱抱難舒托短吟
願得書香能繼續家貧不患蠹無金

戊子除夕守歲

一聲爆竹了殘冬
衰嬾無文送五窮
六十六旬明日始
三更三點是年終
酒嘗椒柏通家醉
火照田蠶卜歲豐
報道梅花消息早
半含香藥待春風

南山爲顧思仁題

好山隱隱隔谿南
分送遙青入畫簷
曉色淡籠雲一抹
午晴高竝玉雙尖
黃花籬下悠然見
白石巖前節彼瞻
歌罷韓詩閒拄頰
薰風門外大開簾

秋居寫懷四首

樹有涼陰榻有風
拋書眠坐頗從容
貧無疾病三餐好
老欠聰明百事慵
田野歲收資稼穡
池亭秋意在芙蓉
年來更覺蹤迹甚
深掩柴門斷客蹤

歲序奔馳赴壑陀
交游星散手搏沙
質慚蒲柳驚秋早
景入桑榆戀日斜
荷蓋傾頽風折柄
稻房開合雨催花
閒緣未了詩家債
獨自微吟玩物華

衰遲蹤跡少離家
只合江村訪釣槎
得失夢迷蕉下鹿
僞真憂釋酒中蛇
楓慚顏變霜紅葉
蘆老頭垂雪白
花飯後北窻眠
睡起竹爐吹火自煎茶

落葉飄蕭下石牀
驚聞秋籟滿林塘
酒杯欠量隨年減
詩枕無眠厭夜長
度影螢遲莎雨濕
禁聲蟬咽樹風涼
細觀物理催時變
吟對青山坐草堂

呈衡山文先生

識荆無路造吟壇
夢想丰標玉樹寒
月露詞章文社

主春秋史筆翰林官江湖地遠先憂范山斗名高衆
仰韓肯借元龍樓上榻一舒老眼覺天寬

喜江右廖秀聰見過

千里攜書客異鄉江山收拾付吟囊一談使我開茅
塞兩度勞君過草堂惡濕禁嘗春茗味廖君性不飲茶衝寒
爲探臘梅香遙知別後相思處楚地吳天各一方

春日久陰

新漲平堤綠漫川濕雲壓樹翠生煙貧憂二月十夜
雨老怕三風四水天春事蹉跎花晏吐曉寒擔閣柳
遲眠尋芳敗却登臨興只好關門坐學禪

汀西詩集卷之二

汀西詩集卷之三

長洲趙珏著

七言律詩

與蔣南江夜話北新關

舟阻江關水斷津忙隨征騎踏香塵遊蹤旅旅慚爲
客生路茫茫數問人一榻高寒秋夢短半樓虛白月
華新相親賴有君同伴夜話渾忘旅次身

登棲霞嶺

危攀石磴路重重嶺轉棲霞樹淡濃二浙東西同一
水兩山南北自高峰蘇公舊蹟長堤柳白傅清吟夾
道松泊棹醉歸湖上晚南屏落日又聞鐘

西湖晚歸 中秋夕

酒船日日載歌聲近水人家半在城魚鳥自飛還自
躍湖山宜雨更宜晴竹枝短調吳人唱蓮葉輕舸越
女行今夜十分秋色好遲遲歸待月華明

弔林和靖墓

采蘋湖上醉僊魂零落梅花逐斷雲天子尊賢加美
號後人弔古感斯文一聯香影孤山月萬壑煙霞四
尺墳老鶴不鳴秋寂寂斷橋荒草自斜曛

弔岳武穆王墓

烈烈精忠貫日星堂堂廟貌宛如生一心報宋君臣
義百戰攻燕父子兵賣國計成欺弱主班師詔下壞

長城英雄淚落西湖水流作冤聲日夜鳴

過吳江

泖浦支塘斷復連分流東注入長川吳淞舊是尊鱸
國笠澤今多稻蟹田楓落曾聞騷客句鴨飛不見散
人船問漁欲話興亡事一笛清風白鳥邊

雨中過澱山湖抵泖口

斜川百里一舟行渚斷沙連路漸生西泖有洲開塔
院東江無驛計郵程波沈芳杜連雲濕浪灑孤篷雜
雨鳴欲辦釣竿尋地主滄浪深處濯塵纓

登虎丘

紅袖重歌酒再持可中亭上坐移時閣臨高樹雲千

頃劍葬空山水一池鳥不吝啼忙勸醉花如解語笑
遊遲茲行飽得登臨勝却費清樽與費詩

登千頃雲閣次聶大年韻

夕陽西下半山亭今古遊人幾醉醒殘葉墮林驚鶴
夢濕雲歸洞帶龍腥鬼僊五字詩無姓伯主千年劍
有靈登弔我來傷往事斷碑埋沒雨苔青

和大尹高長洲虎丘詩韻

今古興亡土一丘前王陵寢梵王樓石鑄烏篆題痕
舊池葬龍泉殺氣秋鶴領看雲僧出院鐘催踏月客
登舟三泉新刻長洲令詞翰何慚柳柳州

雪中登虎丘

爭羨鶯花醉虎丘我思踏雪夜停舟巧粘高塔稜層
出凍咽寒泉瑟縮流佛界暗漫金布地人家新改玉
雕樓青山莫笑遊人老今日青山也白頭

虎丘僧房留別蔣南江

江城木落小寒天假榻相陪聽雨眠投老覺非思避
俗養痾宜靜學逃禪煎茶夜乞鄰厨火煮藥朝分石
井泉世事算來忙不了好尋山水樂餘年

虎丘松巢靜坐

濯纓清覓劍池泉來借松巢坐學禪靜厭笙歌留客
醉老便香茗結僧緣秋風木落山容瘦午日當空塔
影圓苦奈詩魔袂未盡時拈筆硯得新篇

虎丘山房卽事

幾日空門禮釋迦白雲留住未還家登山客至多攜
酒入寺僧逢便款茶雪米白炊中午飯霜楓紅代小
春花一生泉石煙霞債貧不能償到處賒

山中訪僧偕蔣南江翁闍齋

看松十日住山中徧扣禪關覓遠公泉石洗清塵土
夢香燈分領佛家風片雲閣雨峰頭黑倒樹懸崖葉
背紅喜拉元卿陪仲孺倡酬在在有詩筒

訪圖明菴僧玉泉

山茶零落客來稀

菴有山茶大如斗陰覆一庭花時觀者不絕今已枯瘁

我為

高僧扣竹扉詩悟真如成佛偈事談今古雜禪機掃

開霜葉通吟屐剪破秋雲補衲衣正值講堂初出
一庭香雪雨花飛

重過妙隱菴

水樹圍菴晚扣扃石堦引屐路登登到門看竹非生
客掃地焚香總舊僧社散蓮堂知別遠詩題蘚壁記
遊曾芭蕉滿院驚秋雨重借禪牀一枕肱

遊磧沙寺次韻

晚潮推艇閣平沙落日江光亂閃鴉樹老倚牆僧記
臘泉香出井客思茶清遊謾托詩題竹沈醉何妨帽
戴花小雨送春歸興急餘寒仍怯袖籠紗

夜投妙隱感舊

上方鐘鼓報黃昏踏月來敲古寺門
百事關心雙淚落十年回首幾人存
斷碑雨泐題名跡老樹苔漫劫
火痕愁向滄浪池上立水聲嗚咽易消魂

夜宿玄墓山房

鼓鐘敲月轉迴廊人靜山深覺夜長
一枕風濤松下榻半龕香火竹間房
雲棲水宿勞勞夢酒債詩逋在
在忙欲記登臨泉石勝小篇收拾付奚囊

僧房小酌

坐挹爐薰聽講餘蕉花方丈竹窻虛
人遊佛地詩成偈飯熟僧厨笋當蔬
石鉢淨臨寒磗洗山田暖帶濕雲鋤
塵蹤暫假安禪榻謾閱琅函貝葉書

夜宿東禪寺

十年不踏市城街怕惹紅塵浣草鞋
在老病鄉容我嬾學癡呆樣看人垂
新涼入夜催醒夢俗慮兼秋惱亂懷
幸喜幽蹤無束縛一窻蕉雨臥僧齋

與周文中夜酌萬壽寺

梅黃時節雨晴天野寺相逢話客邊
仕路風雲誇獨步僧窻香茗結新緣
踈鐘隔院聲初動短燭籠紗影半偏
易學元公有家教肯容兒輩一親傳

過福源菴

谿南精舍久蕭然好事新聞侍者賢
衣鉢肯傳禪祖業香燈不斷佛家緣
性空水月無中相語帶煙霞教

外僊我有閒心思結社往來時借石牀眠

寄題金山寺

孤峰玉立浸滄浪據勝誰開選佛場風浪鬪聲山下
界樓臺倒影水中央鐘催夢鶴敲寒月船渡歸僧載
夕陽更羨中泠泉第一白頭未汲渴思嘗

山中歲暮有感

三過山房一月餘揭殘黃曆歲將除屐痕印雪街頭
滑鈴語含風殿角虛人倚吟筇尋磻鶴僧分齋飯候
鐘魚記遊次第重翻藁帶濕間收柿葉書

哭蘇安道二首

相知平昔最相親恨莫頻過問病因死別驚心空有

淚交游回首漸無人遺容想像梁間月殘藁沈埋篋
底塵愁殺灤西村裏路杜鵑啼破落花春

恨不聞君永訣詞千秋一別死生悲向平未了男婚
日杜甫多愁世患時老母淪亡棺始蓋全家疾病力
難支傷心泣灑斯文淚忍讀平生寄我詩

挽朱子實

少壯相知到老成酒杯文字往來情廿年異姓為兄
弟一夢遊僊間死生病在膏肓違後祿分投膠漆負
初盟楓橋西畔經行路衰草寒煙鎖墓塋

緩齋

緩急人心各有偏誰知急以緩為先遲些脚步行方

穩慢着工夫學也專軟款出言言必當從容作事事
多便速成躁進前賢戒堪笑安于反佩弦

吟谿

曲曲清谿在在詩尋源日喚錦囊隨踏堤步韻推敲
字閣筆臨流撚斷髭月送過橋題寫遍雨催歸渡句
成遲許多選思并騷意都付滄洲白鳥知

寄管虛菴

故人家近散人家水竹清虛映白沙酒滌春懷消雨
悶詩催秋鬢點霜華小山亭畔煙霞榻活火壚頭雪
水茶別後幾回勞夢想半窗殘月見梅花

酬顧景瞻

詩骨清羸味菊腴課農時見出郊居高林露坐秋涼
地小簾風眠午飯餘野水白鷗心蕩蕩曉霜青鏡髮
踈踈新吟多是臨池得興在滄浪樂在魚

荅翁閻齋

招呼風月酒杯餘詩戰碁爭老未除晚節操持松獨
秀高懷瀟灑竹同虛開簾放入泥巢燕洗硯驚飛墨
沼魚借問別來深閉戶奚囊新著幾篇書

喜徐東濠京回見訪

故人因念故鄉情今雨重尋舊雨盟十五年來成潤
別兩三日話罄平生雲泥異路分南北筆硯同窻若
弟兄留戀莫嫌留款薄綠陰黃鳥滿江城

秋夜宿蔣氏西軒

到門停却載詩舟對酒渾忘水患愁勸主固知癡客
醉愛君欣爲故人留半牀月色三更夢一枕蛩聲四
壁秋謾把此言伸此意小篇留下待賡酬

與朱元吉會于江上

話到心知不忍拋綢繆何異漆投膠十年詩裏曾通
姓半日樽前始定交濁酒瀉缸勞送勸小詞題扇藉
推敲却愁分別吳江上黃葉西風滿四郊

歲暮次練成甫韻

澤國天寒凍解遲相思愁斷苦吟時十年兩地心千
里半壁孤燈酒一卮舊雨暫停江上棹陽春重和郢

中詞柴門寂寞誰留住半是梅花半是詩

辛巳元旦添孫用丁丑得孫舊韻

喜報新春又得孫三元首旦是生申且休談命信術
士但宜讀書爲好人抱送敢云尼父氏祈求深感梓
潼神今朝借此屠蘇酒自賀衰遲後飲身

秋夜宿湖上

荳籬花破雨痕收一榻新涼草閣幽接引笑談催剪
燭欸畱杯酌勸維舟碧雲擁樹孤村晚白露橫江八
月秋夜靜湖鄉詩夢穩不驚漁唱落滄洲

江橋夜泊

一篷涼思宿江橋兩岸蛩聲破寂寥俗事惱懷詩夢

短窮愁兼病旅魂消秋花恐怕風傷稻夜葉驚聞雨
戰蕉料得星星頭上髮又添新白在明朝

夏晝睡起

竹嶼環渠水暗通塵聲不到草亭中三春早乏催花
雨四月寒多秀麥風芥菜生臺醃嫩綠櫻桃壓樹摘
新紅日長睡覺南窻下信此浮生夢幻同

漫書

人事荒荒歲荐饑新愁催雪點鬚眉癡心向老惟圖
壽癖性雖窮敢廢詩近水竹虛來月早背巘花瘦得
春遲野鷗泛泛江湖遠不受紅塵世網羈

辛巳除夕積薪失火幸而反風室廬無恙

火燎庭薪歲夜除反風天意爲吾廬青氈幾燬祖宗
物黃卷幸存兒子書賤畜何曾詢廐馬餘殃况免及
池魚今朝且進椒花酒醉賀新正樂有餘

憶舊遊

乙亥歲同南江遊
西湖座有四客

獨對嬋娟憶舊遊去年今夕古杭州半湖影浸孤山
月四客酣歌一艇秋高閣倚寒黃葉寺短簫吹夢綵
雲樓良宵如昨人何處虛負清光照別愁

謁甫里先生祠

遠覓天隨甫里居空瞻遺像在僧廬筆牀不載松陵
舫文藁猶存笠澤書鶴徑草深荒杞菊鴨池水冷老
芙蓉香燈寂寞衣冠舊滿地清風感慨餘

壽白蓮寺僧六十

祝髮玄門六十霜結跏不下法華堂閒誇身健隨緣
過老覺心空與世忘鷲嶺峰高華月小鴨池水淨白
蓮香檀那欲問維摩壽手種松秧百尺長

寄謝馮承恩惠篆書

滿抱春愁鬱未舒見君詞翰隄消除風情月思滄洲
句鐵畫銀鈎小篆書筆塚埋雲潛禿兔墨池潑水漾
遊魚論文未遂荊州識悵望琴川百里餘

與星士施桐軒夜酌

江湖蹤跡寄雲萍把袂同登萬玉亭十載相違頭半
白一罇重叙眼俱青着收末局碁無敵叅透玄機術

有靈且醉客鄉燈下酒半窗殘月夜談星

贈傅神張鈞雪

久仰丹青妙入神遠勞垂顧到谿濱詩談今古三千
首名落江湖四十春鈞雪舟中曾載鶴凌煙閣上慣
圖麟明朝暫假春風筆略與衰容一點真

送况鶴岡還豫章

地理師

草堂門掩鵲聲頻喜報君舟晚渡津遠挾青鳥囊裏
術來尋白鳥社中人遊蹤踏遍吳山地鄉夢飛歸楚
水春明日不堪江上別客衣香點落花塵

借菊

陶家秋色富籬邊約借霜枝九日前一本帶香饒玉

露三分增價補金錢與花做債翻新例寫券憑詩破
俗緣寄語主人應不負筭償明白待來年

寄顧景瞻寓館郡治

郡城隙地有僧房暫借尋詩也不妨買藥爲醫中酒
病看花反惹惜春忙雪欺蓬鬢頭增白塵沒芒鞋脚
染黃昨過池亭延佇久鳥聲畱住據胡牀

壽唐磨菴伉儷六十兼賀添曾

春風門外曉懸弧喜報君家樂事俱四世一堂孫又
子六旬二老婦同夫南山對座松千尺北海開罇酒
百壺賀客持觴爭獻頌弄璋詩竝壽星圖

和顧景瞻韻

數畝湖田雨一簑百篇書卷半間窩不嫌貧屋容巢
鷺怕惱比鄰禁養鵝種稼却宜輸稅早買山猶恐費
錢多嗟今詩學將凋喪爭尚時文覬掇科

借韻荅蔣允暉

逃名未許着漁簑水竹橋西小結窩雨翅梳風衣桁
鷺雪翎翻浪墨池鵝酒逢狂飲深杯滿詩到窮吟好
句多莫道爲農生計薄苦因田上起差科

借韻荅蘇充之

谿頭拋却釣魚簑坐有虛窻臥有窩兩屐松雲隨一
鶴半江樾浪玩羣鵝講帷近喜朋來衆詩格原從父
教多只把硯田勤力種不愁官府巧催科

酬嚴東美見寄詩韻

拂衣何事早歸廬計在邯鄲枕夢餘悔逐紅塵驅駟
馬遠尋白鳥問鱸魚籬花狼藉秋香老窻竹扶疎月
影虛從此烏紗頭上髮不曾忙聽曉雞梳
急流勇退尚嫌遲况及頭顱未白時談屑生風揮玉
塵酒波搖月醉金卮傳家經學宗周易鳴世文章陋
楚詞欲問東南山水姓品評都在錦囊詩

挽蔣南江

相逢長歎別離多生別其如死別何交誼廿年敦道
誼歡歌一夕變悲歌罇空北海塵生榻夢斷南江月
印波落落故知星曉散傷心泣灑淚滂沱

落花十首

青子枝頭徧綠叢一場狼藉五更風賣驚園叟肩停
檐嚼染閨人口唾絨月浸殘霞鋪地錦雨添新漲泛
谿紅韶華瞥眼成虛幻始信人間色是空

送春風雨太顛狂席捲芳菲若陣亡崖蜜已甜蜂股
滑陌塵初暖馬蹄香魂棲弱草煙迷路影弔空枝月
過牆日暮江城寒食過惱人鶯燕爲誰忙

欲弔殘春酹一罇典衣難覓酒家村恩拋尚憶枝頭
蒂命斷難招樹底魂墮地點苔嫌鶴步隨波泊藻怪
魚吞寂寥中酒含愁臥風雨黃昏正掩門

紅漸消磨綠漸增戀柯幾瓣亦風燈春歸驛路人傷

別酒散歌樓客倦登意思嬾殘秋後燕色香沈寂病
餘僧強留獨立風簾外衣薄寒多瘦不勝

名園客散鎖空亭剛剩殘枝插膽瓶雨淚濺紅珠顆
碎煙鬚褪白粉香零和泉掬起浮茶盞拂卷拋開觸
硯屏倦蝶過牆春已去綵繩還自挂金齡

東君作主鳥爲媒嫁去紅紅喚綠回鷗畔悠揚晴弄
影燕邊狼藉濕成堆嬌癡帶酒迷歌扇輕薄隨風上
舞臺世事榮枯亦如此不須煩惱重興哀

香徑芳蹊跡已陳東飄西泊是何因力攙急雨忙催
句情惹遊絲強絆春錦帳繁華金谷夢玉環精魄馬
嵬塵斷橋流水斜陽渡酒散紅亭別遠人

背隱牆陰一小枝不禁刮地急風吹妬隨梅雪粘宮
額舞颺茶煙裊鬢絲採入蜂房修煉蜜搗和懶髓合
勻脂生生不及章臺絮又化浮萍綠護池

池塘一雨綠成陰怨紫愁紅積漸深愛惜美人忘早
起別離遊子動哀吟嬌姿多負風塵債薄相終無鐵
石心悵望陌頭芳草合翠鈿失却倩誰尋

初飛一片減芳容鷙地園林失故紅開落自關人愛
惡浮沈都付水西東漁篷再覓僊源異野鹿曾啣禁
苑空無可奈何輸一醉臥聽啼鳩怨東風

寄顧景瞻寓館張林

攜書開講寓親知弦誦新聲滿謝池友愛情關中表

誼童蒙求在幼昏時厭煩花鳥春辭酒樂近湖山日
費詩短棹往還經甫里高風還謁散人祠

翁閭齋壽詩

勞心文墨鬢斑斑鉛槧工夫老未閒濯足放歌秋水
渡撚髭吟斷夕陽山奚囊月露詩千首杜曲煙霞屋
兩間壽日登堂醉春酒綵衣兒子解承顏

父子同壽

八十嚴親六十兒堂開重慶列尊卑一門雙壽懸弧
日四代諸孫戲綵時暮景桑榆耆與耄春風橋梓孝
兼慈夷山更比燕山好椿樹枝連桂樹枝

贈心漁錢先生

郡博文宗
緒山之父

學通今古事潛修內視虛靈一鑑秋壽域高登膺祿
養心齋默坐縱天遊寫山詩滿奚囊裏弄月簫鳴短
杖頭喜有鳳毛呈世瑞羽儀文教被蘇州

鄉飲紀事

七十餘年困草萊簡書招上泮宮臺衣冠列坐文儒
集俎豆交陳禮席開

天子尊賢行盛典郡侯汎愛及樗材明倫堂上風光
好喜聽弦歌侑酒杯

墳成

小墳何地卜牛眠戴瀼橋西隴樹邊白髮催人營早
計青山埋骨待他年將殘燭倚西風裏未着棊收落

日前見在且將吾事了散場遲速但憑天

姑蘇懷古次韻二首

月暗離宮泣鬼魂山谿曾渡越來軍忠冤怒踏潮頭
浪霸業消沈水底雲香徑草迷西子洞劔池泉閔闔
閭墳清風欲問龜蒙宅煙冷吳江散鴨羣

歌舞臺傾半壁天館娃一炬已千年寒山寺裏鐘聲
早海湧峰頭塔影圓抉目死甘亡國劔捧心羞上汎
湖船錦帆回首繁華夢都付東流水一川

歲暮蔣西樓見過

兩家南北類朱陳情好殷勤托世姻一別白添鬚鬢
雪半酣紅借面顏春驚聞爆竹催殘臘笑剪燈花說

舊因不爲苦吟深入夜梅花月色解留人

紀夢

已丑元夕夢與振之弟夜酌喝韻賦詩既寤止
記成字韻用是足之時弟領檄會試故未致期

望之意云

元夕東風吹雨晴惠連來叙友于情西堂有酒陪宵
酌破屋無燈借月明信寄隴梅春後折詩吟池草夢
中成曲江三月乘桺浪定作龍門變化鯨

分得西壠耕雲慶壽

漠漠春雲壓壠西呼童早起事耕畦黃牛十角田千
頃白鷺雙飛雨一犁布谷啼時秧下土桔槔停處水

平堤壽鄉近樂年豐稔禾黍場頭醉似泥

寄蔣子重時在太學

十年不下讀書樓釋褐今春寓

帝州太學弦歌名教地南都形勝大方遊青燈照雨
橋門夜紅桂含風壁水秋開歲棘闈來捷報芳名準
許占鰲頭

偕蔣思亭桂鄰僧遊玄墓二首

訪舊重遊玄墓山強移衰步履屣顏鶯花急報三春
老詩酒忙偷半日閒高筇礙雲登佛閣短筇挑月扣
僧關陪行況有吟壇士坐聽玄談未肯還

重巖疊巘碧稜層手策藤枝力強登泉石半歸新地
主鉢衣不見舊山僧風吟竹塢聞樵唱雨臥松寮照
佛燈試拂雲崖留短句他年重到記吾曾

壽東禪桂鄰上人

學佛功深老歲華禪林有地布金沙春秋記臘栽雙
桂早晚脩齋供一茶塵拂清風翻貝葉鉢瀆香水養
曇花題詩寄祝維摩壽他日來叅問結跏

與泉為曹文啓賦

原泉一脉可人情為有源頭活水生漱帶落花消吻
渴煮和香茗洗心清愛臨碧浸閒持釣恐流滄浪懶
濯纓借問誰人同此趣濠梁莊叟李長庚

雨宿沙湖書館

心事憑誰爲折衷
破除都付酒杯中
扶行谿路泥雙屐
借宿湖鄉雨一篷
跡寄雲萍猶作客
鬢搔風雪已成翁
年來喜結沙鷗社
不理詩筒理釣筒

七言排律

詠雪禁體

亂滾成團塞大邦
輕飛墮片點長江
分明巧剪黏沙樹
頃刻平堆護石幢
冰合乾坤形混一
星迷牛女影沈雙
響疑蠶食開春箔
曙悞雞鳴報夜牕
迂徑深埋妨臘屐
虛簷明透妬蘭缸
瑞占宜麥吳農話
曲竝陽春郢客腔
曉罨巖巒山失翠
晴消瓦壠水流淙
藍關凍阻疲行騎
越國狂驚怪吠龐
驢子橋邊詩在路
羊羔帳底酒盈缸
掃供學士煎茶竈
載壓漁翁把釣艣
羸壘臣羈胡地冷
鵝池兵亂蔡城降
細評白戰坡僊句
筆力千鈞鼎可扛

江西詩集卷之四

長洲趙珏著

五言律詩

春日招友會飲

故舊心千里年華指一彈別驚分袂久會惜盍簪難
午霽風開凍春陰雪釀寒莫違雞黍約相過叙清歡

秋齋夜坐

虛齋秋暑退夜咏坐涼天開卷塵生案移牀雨濕氈
燈蛾飛繞燭爐鴨睡噓煙假寐冥思久澄懷一湛然

人日喜晴

新正多雨雪物意發生遲人日開晴日農時肇始時

微陽融土脉活水泮冰漸牆角梅枝瘦含香想待詩

新正雨中

窮鄉饑饉歲還往寡朋儕老信星推命貧添雨惱懷
青氈存舊物白飯當清齋近聽鄰農話占田處處佳

除夕有感 戊寅年

歉歲逢除夕殘冬過立春數年三被潦十室九憂貧
窮待文驅鬼愁憑酒醉人坐深寒撥火凍餒念比鄰

夜泊王江涇

晚炊煙市暝待月宿官塘人語非吳語他鄉是越鄉
柳疎多病葉蓮老半空房明日苕谿路烏程酒再嘗

次嘉興

攜李魚鹽地秋田穀早登湖鄉船賣酒野寺塔懸燈
岸岸皆桑柘江江半藕菱客邊逢妙舞飲量陡然增

吳山登眺

遠眺凭虛閣秋高水渺茫半城千嶂繞十廟一山藏
瑞石含雲潤甘泉出井香錢塘潮正大雪浪接天長

錢塘觀潮

潮頭高觸岸大汛應秋分捲海勢狂走撼天聲怒聞
千山晴噴雪萬騎亂奔雲旗鼓江頭聚邦人祀伍員

登張林山

甫里橋南路張林近隔雲東西一水抱南北兩山分
空谷全無石平坡半是墳殘碑荒宇側摩讀不成文

北塘夜行

賣藥遲歸去，黃昏過北塘。
釣篷燃夜火，殘杵搗寒裳。
踈樹低篩月，輕雲薄護霜。
朔風吹更急，征鴈又南翔。
雨中宿南禪精舍

野寺滄浪畔，清虛水竹嘉。
雨留人借榻，僧為客煎茶。
地濕多生蘚，春寒未見花。
猶嫌州治近，更鼓報官衙。
錢塘懷古

山古名秦望，江深匯浙流。
塚埋蘇小恨，潮咽伍員愁。
湖暗飛龍去，城荒野鹿遊。
傷心南渡事，草露廢陵秋。
江遊

船載吳淞酒，人乘泰華蓮。
三江一帶水，八月九秋天。
香秫登塲早，肥鱸脫網鮮。
同遊盡知己，歌詠醉忘眠。
過青丘追悼高槎軒太史

青丘高太史，文筆冠當時。
北郭騷壇將，南宮冑席師。
纂修金匱錄，傳誦缶鳴詩。
埋玉知何地，招魂乏楚詞。

憶舊遊

甲午歲重遊雲巖追南江昔年養病於茲故悼之

憶借禪房榻，山中一月留。
僧閒茶自煮，客病藥難瘳。
松葉寒煙竈，梅花夜月樓。
相思今屬夢，分作死生愁。
別施原魯

蹉跎悲往事，老大惜殘年。
白髮秋霜鏡，青燈夜雨氈。
旅懷憑市酒，鄉夢落江船。
此別無多路，相望亦悵然。
釣雪為張澤民賦

載雪虛舟冷江天歲暮時鳥寒歸樹早魚凍上釣遲
老叟披簑立長竿縮手持問誰知此意五字柳州詩

題扇二首

野樹花開晏江堤水漲平屋鄰鷗竝住船載鶴同行
雨榻茶煙細風簾絮雪輕日長深閉戶不放出書聲
白屋臨江起踈煙隱碧蘿谿雲晴閣雨岸樹影沈波
漁夢鷗邊穩詩情鳥外多書聲風送去引得酒船過

梅心

漏洩先天意玲瓏竅玉空仁生太極內春在一腔中
寸地暗香動南枝消息通誰知如鐵石獨有廣平公
竹下對酌

相逢春暮矣各惜鬢蕭然兩地經年別三杯舊日綠
鳥啼深竹雨人醉落花天寄興聊成詠還從節下鐫

園亭雜言十首

古木春餘暗方池雨過清萍驚魚躍破筍待燕來生
麥熟新嘗餅葵香滑煮羹誰知荒僻地物物可娛情
迴塘潮曲轉迂徑路斜分燕嘴銜花片蝸涎籀葉文
亭虛容夜月山近礙春雲野性宜閒逸囂聲厭耳聞
漁塢橋橫渡人家屋繞田不郭地半雨半晴天
鳥倦還催種蠶寒未起眠日長書引睡把卷臥窻前
止酒春多病耽詩日苦吟求閒閒未得畏老老將臨
淡食菜爲肉貧居書抵金不才甘守拙奚暇計浮沈

赴濕忙分菊鋤荒學種瓜樵薪炊甑米汲井養瓶花
黃口雨巢燕白頭風樹鴉治家無別業耕釣是生涯
橫槎通斷渚短竹補疎籬花雨沾衣桁茶煙裊鬢絲
濯纓歌孺子學稼問農師要識年豐歉癡心卜瓦龜
天晴風落絮林濕雨肥梅泥屐臨流洗煙蓬待月推
螢飛宵院鎖燕入晚簾開報有佳朋至呼兒掃徑苔
雞豚農社酒魚鳥釣家鄰畫裏山應假波心月未真
藕深遲出水花瘦晏逢春莫笑吾廬陋書多不當貧
過江船賣酒隔水鼓催車蠻語僧求食村糶女浣紗
刺蟲醫病樹打蝶惜殘花願假閒詩酒從容弄物華
魚網檉林外雞塋蔀屋邊髡梧增檻月剪韭斷畦煙

鄰乞鑽榆火僧盥洗藥泉野人諳野趣收拾製新篇

吳村夜宿

郭外東風逆歸航載夕陽筭程過雉瀆寄宿借鷗鄉
白鴈秋聲早青燈夜話長主人猶好客烹蟹煮黃梁
汲陸羽泉

試上汲清亭分流貯瓦瓶一泓浸苔石三品載茶經
久渴來嘗愈餘酣待漱醒旋烹香沸鼎未信亞中冷

山遊

寄宿山中寺行歌郭外村看雲登佛閣踏月扣僧門
鶴步隨吟杖禽言侑酒罇飽知林壑美但欠野王孫
夜泊閭門

閶門河下泊霜月一蓬秋人語水邊市鼓鳴城上樓
枅寒催短夢船小載多愁賴有君相慰談詩未肯休
江上夜歸

江天一雨歇煙水遠迷茫待月出東海照人歸北塘
柳深魚市暗草滿鴨騰荒舶擢風顛惡寒生白苧裳

西翠軒

陋矣吾軒小軒前趣自多牕輝留夕照簾影捲秋波
石罅漫蒼蘚牆凹補碧蘿儘堪容我老只是費吟哦

湖東草堂次韻

湖鄉魚鳥窟地僻遠塵氛水近先來月山低不礙雲
客帆投浦宿漁市過橋分茅屋滄洲上書聲兩岸聞

遊南屏淨慈寺

路入南屏寺煙鐘隔嶮關千峰三塔小一水六橋分
風約鷗迎浪林驚犬吠雲前朝遺跡在細讀斷碑文

過崇遠院

有沈萬三墓在右

古院名崇遠頽垣薜荔封客停湖上權僧扣飯餘鐘
深竹藏啼鳥斜松偃臥龍昔人荒塚在登弔感遺蹤

寒食有感

家家作寒食村落禁炊煙多水少山地有花無酒天
杏餠江上店麥飯墓間田自是春懷惡非關聽杜鵑

與友人同過沙湖

白鳥人家外金沙湖水邊舟行六七里詩得兩三聯

清白柳花雪雨黃梅子天笑談陪沈約蓬底枕書眠
詠燈花次石田先生韻

托根煙火地開傍夜窻檠金粟含葩小紅芳寄草榮
敲碁驚燼落映酒發光明莫詫尋常見奇逢喜事生

吳城夜泊

寄宿吳城外百花洲水邊城門寒擊柝客路夜行船
觸岸風驚浪籠沙月照煙自慚萍梗跡長伴野鷗眠

過夷亭寺

野寺夷亭畔山門枕碧流孤舟半日到一月兩翻遊
花露松間滴茶煙竹外浮塵緣拋未得暫爲老僧留

早秋夜坐二首

新涼宜夜坐爽氣發清華玉露洗天濕銀河挂月斜
蚊煙消睡榻螢火照囊紗正好吟哦地林驚起暮鴉
江天初雨歇清思滿吟邊秋籟亂羣聽夜涼催早眠
小星千點出新月半鈎懸坐久空塵想虛懷一湛然

夜投光福山寺

不到虎山橋經今廿載遙峰頭危壓石湖尾暗通潮
梅老春生子松高晚墮樵暝投僧寺宿香茗度清宵

玄墓山中值雨二首

老年誇健步春盡始登臨風雨敗人興湖山供我吟
亂泉拋碎滴高樹結層陰借宿僧房榻催歸聽野禽
愛此湖山寺何妨信宿遊千峰空翠濕滿地落紅愁

人老春猶老僧留雨亦留欲探泉石勝天意阻歸舟
愛芝爲蔡登瀛賦

賤彼凡花卉清芬獨愛芝九莖呈瑞美三秀吐華滋
紫蓋雲分朶朱柯雨潤姿放歌效商皓采茹可充饑
南村爲褚以道賦

綦林村裏住隱地占離方木板橋橫渡茅簷屋向陽
麥秋天氣爽槐夏午陰涼醉倚薰風坐荷香落酒觴

五言絕句

曉寒

鄰雞夜號寒鳥死霜花白曉寒希余溫睡高意上目

秋思

雲天寒處曉雨聲候蛩號惹起悲秋思燈前讀楚騷

秋思續後

暮雨生寒早江湖帶濕流西風孤雁客愁斷鴈聲秋

光上

表柳對寒塘疎疎病葉黃芙蓉秋色老帶雨褪殘粧

晚思續後

斷橋村落遠久雨不田蕪燈火茅茨下家家夜織蒲

漁燈照林塢村火吹煙扉柔梅聲搖月驚鳥帶夢飛
待渡園

斜日關山低松塢投樹早寒江待渡人歸心急如搗
水倦

步月淺步沈塵生飛底羅夜淡香佩滿江冷露華多
紅梅二首

凍蕊凝絲綺疏籠暈暈血春風陡生寒吹落勝脂雪
姑射耐凍醞嫣然臉暈丹東風吹不醒扶醉倚春寒

早秋

大火向西流涼颼應金氣梧桐落銀林秋聲滿天地

五言排律

竹隱

小隱簷簷谷陰深戶欲迷碧雲晴礙路蒼雪暗埋谿
迸砌瓊芽短節簾鎖影低春雷龍起蟄夜月鳳來棲
亂葉刁金錯羣音珮玉齊臥根鋪薤簟斲筍破苔泥
造徑陪林鶴栽竿釣海鯢衝煙翡翠下喚雨鶉鳩啼
隔塢敲茶臼通鄰過杖藜殺青資汗簡刻節記詩題
富比淇園地清如渭水堤肩輿容借看日過野橋西

上郡侯二十七韻

昭代開文運名門出偉人春秋繼安國閎闕重西秦
黃甲高登第青雲卓奮身冰壺貯胸臆玉樹朗丰神

筆力班揚古才華董賈醇一麾先出守六轡擬重巡
運掌更張事勞心撫字民盤根迎刃解寃獄覽詞伸
賦稅微輸早差徭小大勻頑氓爭讓畔澆俗總還淳
五袴歌謠作三年治化新凝香閒寢晝露冕遠行春
甘雨甦焦壤仁風播郡鄰吏胥嚴束約士子藉陶鈞
清白同楊震循良邁寇恂毀祠攻異教興學正彞倫
第恐經綸手榮遷柱石臣東吳失保障北闕進朝紳
調燮登台鼎銓衡秉國均班行先鵠鷺勲業上麒麟
龍衮思完補鴻猷許密陳不才叨治下多病老江濱
筆硯生涯拙箕裘世業貧書殘翻落蠹衣敝結懸鶉
薪水勞無僕藜羹養有親仰瞻天上月未拜馬前塵

願賜江湖量餘波縱涸鱗

汀西詩集卷之五

長洲趙珏著

七言絕句

題赤壁圖

斗酒澆愁謀婦得孤舟
載夢挾僊遊一江夜色三更
月簫咽清風鶴唳秋

春陰二首

三分春色一分留天氣陰多少
日頭昨夜小園風又
雨嫩寒催得杏花愁

細雨新波已漫沙淡煙輕柳未藏鴉
春陰門外春泥
濕門巷無人叫賣花

早夏

綠陰潑戶樹繞屋白水浸門秧插田地氣鬱蒸天氣
濕雨來湖石翠生煙

已卯燈夕苦寒

殘雪生寒月似秋金吾不禁夜城遊六街燈火分貧
富半照笙歌半照愁

臥漁圖

賣魚不到市橋邊怕引紅塵上釣船醉脫蓑衣高作
枕半篷殘照對鷗眠

題扇

灤東雲樹灤西山白鳥家邊釣屋閒春浪拍沙春雨

歇過江船載夕陽還

竹下避暑

避者深開竹下房塵緣熱惱兩消亡晚來片雨先秋
意添得西窗一味涼

早秋

涼入郊墟暑氣收斗杓北轉火西流雨鳴蕉葉風梧
葉兩樣秋聲一樣愁

題扇寄徐院判

思君長歎未逢君閒策吟筇倚夕暝幾向天南望天
北萬重山隔九重雲

題畫

物外游心人不知平頭鞋子瘦藤枝問花尋柳江村
路步步春風步步詩

春日江村

燕不貧嫌舊主家柴門屋小柳陰斜一春日日顛風
急吹得花開又落花

新春池上

雨添方沼水一尺春漏小梅花兩枝薄暮峭寒禁不
得呼兒熱酒沃詩脾

林下獨坐

野田待雨未分秧蠶豆青青燕麥黃酒力旋消人力
倦鳥啼清晝綠陰涼

大水後書所見

水鄉人遇歲饑荒半已逃逋半死亡剩得幾家茅屋
在也無籬落也無牆

春盡小酌

嫩綠池塘一雨收薔薇簾幙午風柔黃鸝勸酒花如
夢急喚山樽打破愁

將之餘杭登垂虹橋

垂虹橋下暫停橈秋入長天野望遙好水好山三日
路月明先看浙江潮

石門夜泊

一川江水帶星流酒市橋頭喚客舟涼月照人篷底

醉桐陰兩岸石門秋

寓淞江之沈谿值雨四首

谿漲平增水半篙石尤風急滯歸舸客樓三日愁聽
雨六月寒生白苧袍

望望雲間一水遙孤帆渺渺趁風濤谿鮮只說鱸魚
美爭耐漁人索價高

獨客離鄉厭雨多歸程其奈逆風何舟人欲發還停
棹爲覓漁郎借釣蓑

影斷殘虹宿雨晴曉林啼歇鶉鳩聲今朝借得東風
便一日舟行百里程

登仰蘇樓和韻

帶酒豪吟醉倚關樓中人看畫中山西巖借重蘇公
句千頃雲題閣半間

舟出西郭抵虎丘

一塔層層紫翠間石橋斜壓半塘灣到門自洗雙泥
屐恐帶紅塵踏上山

登五臺看雨

人倚高寒破醉顏芒鞋踏濕未能還半天黑霧千峰
雨遮斷西南一面山

池亭小憇

閣酒推窗聽午禽梅天小雨弄晴陰不來兩日池亭
坐花漸稀疎草漸深

萍隱遊魚樹隱禽高梧落翠柳成陰要知昨夜雨多
少起看池塘水淺深

雨窻曉坐

草堂一月臥煙蘿半爲詩魔半病魔荷葉消殘蕉葉
謝不知昨夜雨聲多

不寐

漏屋秋來補未成弊裘已破怕寒生一飜風信三更
雨燈下新愁枕上聲

靜坐

老去增年是減年小窻深坐學逃禪莫言耽戀閒風
月只費工夫不費錢

自嘲

踈迂心性與人差日爲詩忙懶做家春看過山秋看
月冬來還要看梅花

覽鏡有感

往事分明夢一場爲誰辛苦爲誰忙今朝鏡裏看吟
鬢黑不多莖半雪霜

釣魚圖

許大江湖一艇橫渚風谿月有誰爭釣魚不把漁爲
業但借漁名隱姓名

杏庄

杏花庄上客相過不爲看花爲起痾活得一人栽一

樹樹多應是活人多

買臣圖

貧賤之妻不下堂分甘辛苦共糟糠先生妻厭糟糠
去不及梁鴻得孟光

迴文題小畫

寒雲暮隔灤西東權倚斜塘半落楓湍激浪驚飛鳥
白殘陽夕影斷霞紅

題釣魚圖

力田連遇水滄田學製綸竿上釣船苦奈近來魚價
賤大魚難賣小魚錢

題淵明歸去圖

棄官歸隱舊柴桑五柳垂門菊未荒穉子牽衣妻治
酒悔因斗米折腰忙

松陵驛值雨喜歌者見過

金縷歌殘別換腔彩雲飛影落蓬窻松陵誤認潯陽
路一曲琵琶雨半江

梨花始開

素艷輕盈粉褪香淡籠微月照昏黃只愁忙過清明
節急喚山罇爲洗糝

雨中看梨花

東風吹雪破輕寒淨洗鉛華濕未乾寂寞一枝春雨
裏玉容無語淚闌干

雨中對殘菊二首

雨敗籬花斷送秋霜姿憔悴惱詩愁常年開謝常年
事人被花催半白頭

狼藉黃金不鑄秋白衣人遠獨醒愁餘芳看過無花
看剛剩梅花在後頭

咏水僊

翠絲裙帶玉精神水面香生襪底塵一點芳心何處
托湘江明月楚江春

池上見紅白芙蓉

竝倚寒塘鬪晚芳錦雲潑水雪生香詩人洗眼吟秋
色不貴濃粧貴淡粧

蔣子重邀賞牡丹因感二首

看花遙憶種花人歲歲花時醉賞春今日花開人不
見忍拈卮酒酌花神
忍拈卮酒酌花神愁見花開兩度春
子對花邀賞繼前人
喜惜花今有

雨夜泊舟胥門

鄰舫殘燈漏影明抱關宵吏柝頻驚短篷水宿胥門
渡一夜春寒雨半城

雨中訪蔣元信和韻二首

綠槐深院午風清雨墜簷花照眼明閣酒正思求友
意黃鸝急喚兩三聲

一榻茶煙午夢清
葵花紅照酒波明
吳田渴要黃梅雨
喜聽芭蕉葉上聲

夜宿張林韓氏聽雨二首

黃昏一榻過山前
開屋燒燈話昔年
半日離家非遠客
雨聲何苦夜驚眠

雲暗山村雨滿塘
夜深簷溜響浪浪
涼生枕簟清無暑
一榻同吟臥草堂

題畫

鬢絲風軟裊殘陽
潑地秋陰罩石牀
山在眼前書在手
看山分却看書忙

西園種牡丹有作

誰言分種牡丹遲
老眼看花也自宜
開到百年知幾醉
春風休笑白頭癡

春暮登張林山憶舊

尋春幾度共登臨
坐石看雲話古今
此日重遊思往事
傷心愁對落花吟

折枝桃花

小折斜枝倚畫屏
粉紅花襯葉層層
只愁零落隨流水
勾引漁郎入武陵

題桃鶴圖

種桃應怪朔兒偷
跨鶴曾從汗漫遊
鶴已生孫桃結子
不知翁壽幾春秋

秋蝶

倦舞西風翅力微
宮黃褪粉妥金衣
慰情賴有東籬菊
棲戀寒香不肯飛

題扇意

梅雨生寒點濕衣
鷗波綠漫釣魚磯
行春橋畔橫塘路
載得荷香滿櫂歸

江西詩集卷之五

江西詩集卷之六

長洲趙珩著

詞

漁家傲 春夜

簾幕風柔庭院悄
梨花月色溶溶好
一縷沈煙香細裊
聲弄巧海棠枝上啼春鳥
睡思瞢騰人醉倒
夜深花落知多少
枕壓珊瑚清夢飽
雞唱早彩雲飛度
江天曉

一剪梅 月下懷友

人生離合豈徒然
離也由天合也由天
相思此夜對嬋娟
月正團圓人未團圓
追歡不及十年前
心尚

懸懸意尚懸懸寄情空把信音傳愁滿花牋字滿花
牋

清平樂

雨中梨花

嬌羞丰韻淚濕韶粧褪淡白粉痕消半盡惱殺夜來
風信 黃昏魂冷香殘玉容寂寞闌干臥對一枝病
酒沉沉小院春寒

清平樂

雨中杏花

雨中嬌態粧褪香仍在無人折向街頭賣狼藉酒家
簾外 胭脂和淚流紅枉教人怨東風記得醉歸村
路牧童牛背相逢

驀谿山

春暮

一飜風雨早過清明了薄袖捲新羅最難禁餘寒尚
峭遊絲落絮撩亂爲誰忙杏花愁梨花惱桃李場如
掃 綠陰村巷剩得春多少酒醒問東風寂無聞蝶
喧蝶擾惜花心性可惜沒人知巢燕小鷓鴣老綠徧
王孫草

重疊金

春思

粉痕瘦損梨花玉淡煙芳草和愁綠小鳥太多情飛
來巧弄聲 天涯人遠別悵望南樓月獨自倚黃昏
寒消春幾分

天仙子

憶春

記得賞春天氣好浪蝶狂蜂撩亂擾花香薰酒酒薰

人人也笑花也笑人與花枝同醉倒
轉眼春歸何太早酒伴遊朋都散了
從前樂事總成愁人也老花也老
暮雨暗迷江上草

一剪梅
書所見

阿姬畫舫柳邊過一曲蓮歌一曲菱歌
風晴日暖近清和春也無多花也無多
含羞顰翠歛雙蛾嬌轉秋波低轉
秋波偷窺郎馬玉鳴珂半掩香羅
半露香羅

天僊子
題江亭

小結飛亭塵土外坐不多人如斗
大十分瀟灑十分幽山一帶水一帶
風月自來雲不礙圖書天開增

勝槩遠景宜詩空眼界主人原是地
行僊山也愛水也愛到處欠些山水
債

清平樂
攜琴訪友

瘦筇臘屐不爲修琴出童子短衣剛
過膝一路帶看泉石山腰日落雲橫
隔谿煙寺鐘鳴索性遲些歸去待他
月照人行

調笑令
寒夜

畫角畫角催得一天霜落梅梢月轉
東闌井樹烏啼夜寒夜寒寒夜寒夜
人在淒涼客舍

調笑令
立春前催梅

春近春近試把南枝扣問衝寒特地
相催故意含香

未開未開開未開未可早露些春意

菩薩蠻雪月交輝

玉闌干外層層雪梅花枝上團團月風味一般清寒
光上下明 姮娥愁夜冷踏碎瓊瑤影彷彿水晶宮
人間天上同

卜筮子花前小酌

尋芳蝶意忙喚友鶯聲巧一陣東風一陣寒消却春
多少 花嫌人賞遲人被花催老略備留春酒一卮
謾向花前倒

醉春風春遊

花底鶯聲碎人遊芳草地東郊今日好尋春去去去

卷畫樓頭赤闌橋畔開花深處 日暖遊絲墮風軟
晴飛絮賣花簾外酒薰人醉醉醉夕陽回首垂楊渡
口畫船搖曳

行香子詠鴈

聲斷南樓陣落西洲在蘆花淺水邊頭驚離弋網窺
避漁舟正一汀煙一江月一天秋 聯行成字弔影
悲儔亂相呼野鴨沙鷗衡陽路杳書寄沈浮最惱人
懷驚人夢動人愁

虞美人月夜美人圖

玉闌干外花如雪環珮聲搖月彩雲縹緲畫樓東何
處鳳簫三弄隔簾櫳 玉繩低度花陰轉空吠金鈴

大苔堦露下夜迢迢只有海棠相並玉人嬌

西江月 閒居

一日飽三餐飯終朝讀幾行書起來忙自把頭梳更
要吟此詩句 午夢茶香薰醒春寒酒力消除近知
有客過蓬廬多被梅花留住

糖多令 秋江晚釣

短檝倚滄洲蓑衣曬柁樓晚晴天涼思颼颼名利釣
人人競餌偏不上漁鉤 去住狎沙鷗青山映白頭
弄清風笛韻悠悠滿地江湖家在處占斷水雲秋

清平樂 冬寒

江鄉暮歲箇樣寒天氣凍得人來無躲避整日把門

關閉 早間起得身遲熱些酒當晨炊報道梅花開
了荒忙呵筆題詩

天僊子 湖上阻風雨

驀地湖頭風信做怒浪打船船欲破轉頭借住釣家
灣風也大雨也大蓋好窮篷篷下卧 帶濕歸鷗飛
箇箇野唱村歌遙答和霎時雲散水接藍風也過雨
也過起對晚晴山色坐

蝶戀花 題扇

塵海茫茫誰悟省不道江南也有神僊境買箇清風
明月艇一竿占斷漁家景 釣具詩囊心會領玩弄
湖波三萬六千頃斷鴈驚飛雲弄影一聲橫玉江煙

冷

鳳凰臺上憶吹簫

慰人失妾

碧海珠沈瑤臺鏡破何時再許重完香消楚畹露泣
芳蘭愁鎖巫山路杳魂夢冷雨歇雲乾只落得玉肌
暗損珠淚偷彈 摧殘當時望學司馬文君白首相
歡誰想文簫失去綵鸞花藥被遊蜂採去金鈴兒空
護雕闌腸斷處鞦韆亭上獨倚春寒

阮郎歸

桃源圖

桃源別有一乾坤花開萬樹春不租田地好耕耘煙
霞隔世塵 僊境界太平民移家願卜鄰思量做箇
避秦人拏舟往問津

醉花陰

竹亭高士

半榻清風亭子小幾箇琅玕繞坐等月明來白葛衣
輕玉露生寒早 一籟不鳴人悄悄興逸秋天杳試
問夜如何報道先生酒醒詩成了

水調歌頭

元夕賞燈湯南村第

簫鼓春城裏爭賀上元宵煙花繚繞街陌月色浸星
橋好箇南村老子生怕詩人寂寞特地走相招掀幕
展芳席呼酒把燈燒 畫堂深春意滿夜寒消玲瓏
影落杯面瀲灩酒波搖百歲吾人易老轉眼黑頭成
雪那箇得曾饒好景莫孤負歡賞到明朝

臨江僊

題扇

買箇江湖書畫舫輕於一葉浮萍托情雲水去還停
掀篷秋月白倚柁晚山青 載酒百壺書萬卷對風
撐過鷗汀蘋香落枕夢魂醒問先生何去想到草玄
亭

行香子 山居小隱

小小人家短短籬笆屋簷頭高樹重遮山當門立水
趁谿斜種兩株松數竿竹幾枝花 冠裁錦籜巾裹
烏紗筭人生間是忙差龍爭虎鬪強弱由他但倦時
眠醒時飲醉時茶

清平樂 題畫

釣歌聲杳江濶晴波小飛起一斜行白鳥陡被風吹

斷了 林亭最與秋宜青山喚雨催詩人在曲闌干
畔指頭撚斷吟髭

喜遷鶯 秋景

小山庭院待月出東牆曲闌凭徧煙竹搖青雨苔凝
紫露葉蕉分綠片天氣晚涼新浴毛骨竦然輕健戲
撲那鬪飛螢火忙揮紈扇 堪羨一點點荷噴幽香
風送來池面層翠蟬紗簾鋪湘水暑却儘宜留戀回
首紅塵鬧裏多少利愁名怨細思筭忙不如閒幾人
先見

糖多令 携琴訪友

抱得一焦桐賞音人未逢過谿橋山水重重踏破落

花香滿屐閒立處倚孤筇
生路問山童看雲還看
松怪催歸啼鳥匆匆妙景在詩詩在眼青不了兩三
峰

烏夜啼

喜友人
光訪

薄袖輕籠花霧疎簾淺映茶煙故人攜酒池亭訪新
夏綠陰天風席深杯勸飲雨燈小榻留眠登舟曉
帶餘醒別高柳一鳴蟬

臨江僊

題月波
卷妓號

一帶澄江如練碧月光蕩漾金波玉人清賞夜涼多
臨流歌窈窕對影舞婆娑踏破空明微步小盈盈
襪襯輕羅彩雲飛去落銀河水晶宮殿裏照見兩姪

娥

賀新郎

請飲仕程溫州
號曉下

樂矣歸田樂急流中拂開風浪退休林壑身外功名
些子事怎肯被他牽縛自信道是今非昨寄傲竹窻
閒聽玉醉秋籬酒對黃花酌隱趣好宦情薄壽星
夜照吳天角古稀年合當慶宴大開樓閣北海樽傾
千日釀賀客駕停雲鶴看綵戲兒孫雀躍人世乾坤
倦世界筭蓬萊那有長生藥仁者壽等山嶽

清平樂

世情擾擾幾箇人能了着甚來由忙到老早起晏眠
多少急將家事推開安排詩酒情懷得樂處時且

樂先生不甚癡呆

癡癡野老生泊塵緣擾詩學唐音書晉草將就應人
求討也無策獻

宸旒也無刺謁王侯飽食暖衣之外先生沒甚閒愁

一剪梅魚

借漁托隱寄浮生遠在江行近在谿行一絲煙月釣
舟橫山又高明水又清明飯炊菰米膾鱸羹詩可
娛情酒可陶情滄浪一曲濯塵纓名也無爭利也無
爭

汀西詩集卷之六終

書汀西先生詩集後

先生宋室華胄碩德宏才游郡膠有聲

一躡場屋遂翻然改趣精廬扁光紹先

業日以經學課子授徒陶成多士時偕

名流覽勝吊古詩翰自娛非公事歲不

一入城府脫世網謝時好怡怡愉愉純

然一古道君子人樂親之就醫者如市

雖賤貧靡弗究意汲汲活人不責報焉
故吳之人士暨縉紳間無遐邇適與夫識
不識咸欣忻亟稱汀西先生云噫昔文
正范公曰達則為良相不達則為良醫
先生之心文正之心歟雖不售於時為
時良相年彌高德彌紹龍義累仁寔醫
師之良而心良相之心矣諸郎玉立駸

駸秀發見重詞園其獲醫良之報其具
良相之具焉行將聯芳峻起為時相之
良先生方康寧上壽優游林泉受
天遐祉大展蘊負聲為歌詩以鳴
國家之盛用副

聖天子側席安車之望予生也晚幸託駸
草辱知最深仰瞻風懿晉之元亮唐之

魯望也滂述此以為他日傳高士者採
若夫集之所載出入漢魏伯仲李杜而
臨池揮灑則又步驟鍾索煥然爛然昭
昭星日子小子何庸喙

嘉靖十七年重陽日少山歸仁謹識



